

DARI S. SIVASELVAM

PYONGYANG, 7 JUN (BERNAMA) — DATUK SERI DR MAHATHIR MOHAMAD TELAH MENYATAKAN KEBIMBANGANNYA MENGENAI PERKEMBANGAN DALAM PERGERAKAN NEGARA-NEGARA BERKECUALI YANG BOLEH MENUKAR JENIS DAN BENTUK PERGERAKAN ITU.

+JIKA PERGERAKAN ITU MAHU MAKKUL DAN MEMAINKAN PERANAN YANG POSITIF DALAM HAL EHWAL DUNIA, ADALAH PERLU SEMUA ANGGOTANYA TERUS PERCAYA KEPADA PRINSIP DAN TUJUAN PERGERAKAN ITU+ KATANYA DALAM SATU JAMUAN MERAIKANNYA.

NAIB PRESIDEN KOREA UTARA PAK SONG CHOL HADIR DALAM JAMUAN MALAM YANG DIBERIKAN OLEH NAIB PERDANA MENTERI DAN MENTERI HAL EHWAL EKONOMI LUAR KONG JIN TAE SEMPENA LAWATAN LIMA HARI TIMBALAN PERDANA MENTERI KE NEGARA ITU.

DATUK SERI DR. MAHATHIR BERKATA KOREA UTARA JUGA MERASA BIMBANG SEPERTI MALAYSIA DAN BELIAU YAKIN SOALAN INI ADA DALAM SETIAP PEMIKIRAN NEGARA-NEGARA YANG MENGHADIRI PERSIDANGAN MENTERI-MENTERI LUAR BIRO PENYELARAS NEGARA-NEGARA BERKECUALI SEKARANG DI COLOMBO.

+SAYA BERHARAP ANGGOTA-ANGGOTA AKAN BERTINDAK UNTUK KEPENTINGAN PERGERAKAN ITU KESELURUHANNYA DAN MENGAMBIL LANGKAH YANG KONKRIT DAN POSITIF UNTUK MENGUATKAN PERPADUAN DAN KEBERKESANAN PERGERAKAN ITU+. KATANYA. --BERSAMBUNG 1510/BY

MAHATHIR 2 PYONGYANG

KATANYA WALAUPUN DARI SEGI GEOGRAFI, MALAYSIA DAN KOREA UTARA TERLETAK DALAM RANTAU YANG BERASINGAN, KEDUA-DUANYA MAHUKAN KEAMANAN DAN KESTABILAN DALAM KAWASAN MASING-MASING.

BELIAU MERUJUK PADA PERKEMBANGAN BARU-BARU INI DI INDOCHINA DAN MENYATAKAN KEKHUATIRAN MALAYSIA JIKA KETEGANGAN DAN PERGELINGKAHAN ITU BERTERUSAN, KUASA-KUASA BESAR MUNGKIN TERLIBAT SEKALI LAGI DALAM PEREBUTAN KUASA.

BELIAU BERKATA GESAAN ASEAN UNTUK MENAMATKAN PERMUSUHAN, PENARIKAN SEMUA TENTERA ASING, TIADA GANGGUAN DAN KESABARAN OLEH KUASA LUAR PENERIMAAN HAK RAKYAT KAMPUCHEA UNTUK MENENTUKAN NASIB SENDIRI ADALAH SELARAS DENGAN KONSEP ZON AMAN, BEBAS DAN BERKECUALI DI ASIA TENGGARA.

MALAYSIA BERHARAP SUASANA +TERANCAM DAN TEGANG+ DI INDOCHINA AKAN DISEKAT DAN DITENTERAMKAN DAN KEAMANAN SERTA KESTABILAN AKAN KEMBALI SUPAYA SUMBER-GUMBER DAN TENAGA BOLEH DIALIHKAN KE ARAH PENYATUAN NEGARA DAN PEMBANGUNAN SELAIN DARI MEMUPUK HUBUNGAN PERSABAHABATAN DAN KERJASAMA ANTARA SATU SAMA LAIN DALAM RANTAU ITU MENGENAI HUBUNGAN DENGAN KOREA UTARA, DATUK SERI DR. MAHATHIR BERKATA LAWATANNYA MENUNJUKKAN MINAT MALAYSIA YANG BERTERUSAN UNTUK MEMUPUK PERSAHABATAN ANTARA KEDUA-DUA NEGARA MELALUI HUBUNGAN PERIBADI DI PERINGKAT TINGGI. --BERSAMBUNG 1514/BY

EE

B566

MAHATHIR 3 PYONG YANG

KATANYA KEDUA-DUA NEGARA PATUT TERUS DIPANDU OLEH PRINSIP YANG MENJADI TERAS PERHUBUNGAN DIPLOMATIK DALAM MEMENUHI HASRAT KEDUA-DUA PIHAK UNTUK MEMBAIKI DAN PENGUKUHKAN HUBUNGAN ITU.

PERDAGANGAN MERUPAKAN PROSPEK YANG PALING BERKEMUNGKINAN UNTUK KERJASAMA ITU, DAN BELIAU MENDAPATI KEDUA-DUA NEGARA MEMERLUKAN BAHAN MENTAH DAN BARANG-BARANG YANG TERDAPAT DI KEDUA-DUA NEGARA, DAN DENGAN CARA INI MALAYSIA DAN KOREA SELATAN BOLEH MENDAPAT FAEDAH DARI HUBUNGAN DAGANGAN DUA HALA.

MALAYSIA, MISALNYA, MEMERLUKAN BARANG-BARANG KILANGAN DAN BESI WAJA UNTUK INDUSTRI DAN RANCANGAN PEMBANGUNANNYA DAN MALAYSIA PULA BOLEH MEMBEKALKAN GETAH, MINYAK SAWIT, BIJIH, BALAK DAN SETENGAH-SETENGAH BARANG KILANG KE REPUBLIK ITU.

NAIB PERDANA MENTERI KONG MENYATAKAN SOKONGAN KUAT KOREA UTARA KEPADA USAHA MALAYSIA DAN PERINDIRIAN YANG ADIL UNTUK DALAM USAHA NYA UNTUK MENJADIKAN ASIA TENGGARA SEBUAH KAWASAN BERKECUALI.

BELIAU MEMUJI KEJAYAAN USAHA MALAYSIA UNTUK MENYUSUN SEMULA MASYARAKAT DAN MELAKSANAKAN RANCANGAN MALAYSIA KETIGA, DAN BELIAU MERASA PENDIRIAN SAMA KEDUA-DUA NEGARA UNTUK BERKECUALI DAN BEBAS AKAN MENCAPAI KE SATU PERINGKAT BARU PERSAHABATAN DAN KERJASAMA ANTARA RAKYAT MALAYSIA DAN KOREA.

ENCIK KONG MENYATAKAN RASA TERHUTANG BUDI KOREA UTARA KEPADA MALAYSIA KERANA SOKONGAN DAN SIMPATINYA KEPADA UNIFIKASI KEDUA-DUA KOREA. --BERSAMBUNG 1517/BY

MAHATHIR 4 KUALA LUMPUR

SEBELUM ITU, DATUK SERI DR MAHATHIR TELAH MENGUNJUNGI NAIB PRESIDEN ENCIK PAK BERKATA KOREA UTARA BERKONGSI KEBIMBANGAN MALAYSIA MENGENAI PERTELINGKAHAN INDOCHINA DAN BERHARAP IA AKAN DAPAT DISELESAIKAN DENGAN CARA YANG WAJAR.

KOREA UTARA BERKONGSI USAHA MALAYSIA UNTUK MEWUJUDKAN SATU ORDE EKONOMI ANTARABANGSA YANG BARU DAN PENDIRIANNYA YANG MASALAH ASIA PATUT DISELESAIKAN OLEH ORANG ASIA TANPA GANGGUAN OLEH KUASA LUAR.

DATUK SERI DR MAHATHIR BERKATA MALAYSIA KAGUM DENGAN CARA KOREA UTARA MEMBANGUN.

MALAYSIA JUGA MENYEDARI MASALAH PENYATUAN SEMULA KEDUA-DUA KOREA DAN BERSIMPATI DENGAN ASPIRASI RAKYAT KOREA HENDAK BERSATU.

+KAMI PERCAYA INI ADALAH SATU PERKARA HANYA RAKYAT KOREA BOLEH SELESAIKAN DAN KAMI MENYOKONG USAHA PENYATUAN SEMULA YANG DITERIMA OLEH RAKYAT KOREA+, KATANYA.

PAGI INI DATUK SERI DR. MAHATHIR BERUNDINGAN DENGAN RAKAN SEJAWATNYA, ENCIK KONG JIN TAE DAN MEREKA KEMUDIANNYA DISERTAI OLEH ANGGOTA-ANGGOTA ROMBONGAN MALAYSIA. --BERNAMA 1520 BY

93